



No 3

U L F S

1888

ԲՈՎԱՆԴԱԿՈՒԹԻՒՆ

№ 3

«Աղբիւրի» գրականական պլան — ԳԱՐՈՒՆ:

Տորք.—Անդեղ և հաշկանուշ—գեղեցիկ	Ղ. Աղաջեանց:
Բարեկենդան	Պետճ Պռօշեանց:
Վարդանանց պատերազմը (ոտանաւոր)	Ս. Տ. Զաքարեանց:
Ծերենց (պատկեր և գրութիւն)	
Մարտին Լութեր (շարունակութիւն)	Փ. Վարդանեան:
Գարուն (ոտանաւոր)	Յակ. Ղալարեանց:
Մենաքէմ Գամաղայու պատմութիւնը (շար.)	Յ. Յովհաննիսեան:

ԳԻՏՈՒԹԻՒՆ

Աֆրիկայի պատկերներ Ամբրոս:

ՀԵՏԱՔՐՔԻՐ ՏԵՂԵԿՈՒԹԻՒՆՆԵՐ

Լուսանկարչութեան անգնահատելի ծառայութիւնը: Չիւն Սահարայում: Մահուան պատիժ ելէքսրականութեամբ:

ԶՈՒԱՐՃԱԼԻՔ

Հանելուկներ: Առած: Խնդիր: Զահմատ: Բեբուսի մրցանակ և բացատրութիւն: Նախընթաց Ա.-ի մէջ եղած հանելուկների բացատրութիւնը:

ԵՐԿՐՈՐԴ ԲԱԺԻՆ

ՄԱՀԱՅՈՒՅԱԿ

Ծերենց (Յովսէփ Զիշմանեան):
Դամբանական Ա. Եգեկեան:

Խ Ա Ռ Ն Լ ՈՒՐ ԵՐ

Աղմամոր: «Աղբիւրի» բաժանորդագրութիւնը: Բաշինցադեանի նուէրը: Մեր հրատարակութիւնները: Զատկուայ Ա.: Արուիւն եւ Մանուէլ: Սամուէլ: Յայտարարութիւն: Զատկուայ ընծաներ: Մեր պատասխանատուութիւնը: Վաճառանոց: Պրէմիան: Մեծ-Վարդաբիւնան: «Աղբիւրի» նուիրողներ: Հանգանակութիւն: Վարժուհիների ընկիւթութիւն: Պատասխաններ: Յայտարարութիւններ:

ԽՄԲԱԳՐՈՒԹԵԱՆ ԿՈՂՄԻՅ

Չարունակիւմ է «Աղբիւրի» բաժանորդագրութիւնը:

ՍՊԱՌՈՒԱԾ ԵՆ №№ 1 և 2:

Սպառուած №№-ի փոխարէն նոր բաժանորդը կրտանայ 50 կ. զրքեր մեր հրատարակութիւններից և «Մենաքէմ» ու «Լուտեր» յօդուածների սկիզբը, որոնց շարունակութիւնը հետեւեալ №№-ում էլ պիտի լինին: Նոր բաժանորդ գրուողը կրտանայ բոլոր պրէմիաները և իրաւունք ունի մասնակցել «Աղթամարայ» վիճակահանութեան ու պաշտանաւորուած մրցանակները ստանալու:

«ԱՂԲԻԻՐԻ» ՎԱՃԱՌԱՆՈՑ

Թիֆլիս, Գօլովինսկի պրոսպ. տ. Միրզոխի

Թիֆլիսում բացված է «Աղբիւրի» վաճառանոց, յատկապէս երեխաների, աշակերտների և ընտանիքների համար: «Աղբիւրի» վաճառանոցում ծախվում են մանկական գրքեր, պատկերներ, նկարներ, նստաներ, բաղմատեսակ շքեղ իրեր, զէնքեր երեխաներին և աշակերտներին ընծայելու համար. դպրոցական և դատական հսրուստ և բաղմատեսակ պիտույքներ. տպվում են նոյն վաճառանոցում մօնօգրամներ (զարդարուն գլխատառեր նամակների ճակատներին). գրելու, փօտի և ՏՊԱՐԱՆԱԿԱՆ ամեն տեսակ ընտիր ԹՂԹԻ ՄԵԾ ՊԱՅԵՍ, որ կազմում է Ս. ՊԵՏԵՐՅԱՆԻ ՎԱՐԳՈՒՆԻՆ ԵՂԻՍԱՅՐԵՐԻ ՀՈՉԱԿԱՌՈՐ ԹՂԹԻ ԳՈՐԾԱՐԱՆԻ ԿՈՎԱՍՍԵՆ ԲՆԺԱՆՄՈՒՆԻՔԸ:

Վաճառանոցը ընդունում է Ռուսաստանում և արտասահմանում հրատարակուող մանկական թերթերի բաժանորդագրութիւն:

Վաճառանոցը կամենալով դիւրացնել գաւառաբնակ հեղինակներին, թարգմանիչների գործը, ընդունում է Թիֆլիսում տպագրել տալու նրանց աշխատութիւնները: Ընդունում է միջնորդ լինել և պատուիրել նրանց համար ամեն տեսակ պատկերներ, կիշաներ: Վարձու է տալիս «Աղբիւրի» ծաղկատառերից և նկարներից:—Վաճառանոցն ընդունում է կօմիտիլով ծախելու զանազան հրատարակութիւններ:

Վաճառանոցում գետեղուած է և «Աղբիւրի» խմբագրութեան դրոսենեակը:

Վաճառանոցը յանձն է առնում գաւառական և դիւղական ուսումնարանների համար կազմել զրադարաններ, քիմիական լաբօրատօրիաներ, ֆիզիկական կաբինետներ, մանկական խաղեր և դպրոցական ու մանկական հասակի վերաբերեալ պարագաներ:

Վաճառանոցը ունի իւր սեպհական կազմարանը, պատրաստում է պատկերների համար ամեն տեսակ և կնանոց շրջանակներ: Պատուէրները կատարվում են ճշտութեամբ և անյապաղ:

Օտար քաղաքներից գիմում են՝ Тифлисъ. Магазины Дѣтскаго журнала „Агбюръ“. Իսկ հեռագրով Тифлисъ, „Агбюръ“.

ԱՐԵՒԻԺ

ՄԻՆԵՐԵՆ ԳՅՏԿԵՐԵՋԱՐԻ ՀՆՆԴԵՍ

(Երեւանի եւ դատարանների համար)
Հրատարակվում է միւլանյան զիրքով,
միւլանյան ուղղութիւնով եւ նոյն աշխա-
տակիցների մասնակցութիւնով:

Հասցէն՝ Тифлисъ, Редакція „Ар-
бюръ“, իսկ արտասահմանից՝ Tiflis
(Caucase) Rédaction de la Revue
„AGBUR“.

Խմբ.-Հրատ. Տ. Նազարեան:

ՀԱՆԴԵՍ ԱՄՍՈՐԵԱՅ

ԱՐՈՅԱԿԱՆ, ՈՐՍՈՒՄԱԿԱՆ,

ԱՐՈՒՆՏՍԱԳԻՏԱԿԱՆ

Հրատարակութիւն վիճէն այն Միւլթա-
րեան Միաբանութեան

Կը հրատարակուի ամէն ամսոյ սկիզբը:

Բաժանորդագրութեան զինն է կան-
խել 4 ր. վեջամանայ 2 ր. 50 4.

առանձին կը վաճառուի 1 ր.:

Հասցէն՝ A la Rédaction de la
Revue „Hantess“ Au Convent
des RR. PP. Mechitharistes
A Vienne (Autriche)

VII. Mechitharistengasse) 4.

ԼԷՍ, ԾԱՅՐԵՐ

Վաճառվում է Թիֆլիսում «Աղբիւրի»
Վաճառանոցում, Շուշում եղբ. Դադիան-
ների Գրավաճառանոցում. զինը 20 4.:

Մամուլի տակ է եւ շուտով լոյս կը տեսնի

ՍԱՐԳԻՍ ՓԻԼՕՏԵԱՆԻ

«ԿՈՐԱԾ ՍԱՐԳԱՐԻՏ»

Վէպ—նկարագիր Նոր-Բաղադի
փարք ու բարքի. զինն է 50 կոպ.
կարելի է ստանալ «Աղբիւրի» Վա-
ճառանոցից:

Լոյս տեսաւ

ՐԱՓՓԻԻ

„ՍԱՐՈՒԷԼ“

ՊԱՏՄԱԿԱՆ ՎԷՊԻ

Առաջին երկրորդ եւ երրորդ զիրքը
մի մեծ հատորի մէջ ամփոփուած է:

ԳԻՆՆ Է 3 ՐՈՒՐԼ.

Օտարաբաղաբացիք պէտք է ու-
ղարկեն նաեւ 50 կոպ. ճանապարհի
ճախը:

Վաճառվում է հեղինակի մօտ
այն «Թիֆլիսի Կենդրոնական գրա-
վաճառանոցում» եւ «Աղբիւրի» վա-
ճառանոցում:

Հեղինակի հասցէն՝ Въ Тифлисѣ.
Акопу Меликѣ-Акопяну (Раф-
фи). Въ Редакціи „Арцаганскѣ“.

ԱԶԴ

Որովհետեւ Ծերենցի պատկերը
անյաջող էր փորագրուել, այդ պատ-
ճառով այժմ չը տպւեցինք:

По распоряженію г. министра
Внутреннихъ дѣлъ, „Газета А.
Гатцукъ“ приостановлена изда-
ніемъ на 8 мѣсяцевъ, т. е. до
іюня 1888 года.

Изданія ея будетъ продолжаться
съ 8-го іюня 1888 года на
прежнихъ условіяхъ и въ воз-
можно улучшенномъ составѣ и
видѣ.

Подписчикамъ 1887 года. вза-
мѣнъ опущенныхъ нынѣ мѣся-
цевъ, «Газета», по возобнове-
ніи ея въ іюнѣ, будетъ безплат-
но высылаться 4 мѣсяца, т. е.
до 1 сентября 1888 года.

Подписка на 1888 годъ при-
нимается съ іюня по 1-е января
1889 г. Подписная цѣна 4 руб.
Редакторъ-издаетъ А. Гатцукъ.

Ա Ղ Ր Ի Ի Ր

ՄԻԱՄՍԵԱՅ ՊԱՏԿԵՐԱԶԱՐԴ ՀՐԱՏԱՐԱԿՈՒԹԻՒՆ

Ե Ր Ե Խ Ա Ն Ե Ր Ի

ԵՒ

ԴԱՍՏԻԱՐԱԿՆԵՐԻ ՀԱՄԱՐ

ՎԵՅԵՐՈՐԴ ՏԱՐԻ

№ 3

Մ Ա Ր Տ

Թ Ի Ֆ Լ Ի Չ

ՅՈՂՀԱՆՆԷՍ ՄԱՐՏԻՐՈՍԵԱՆՅԻ ՏՊԱՐԱՆ

ՈՐԵՆԵՆ ՓՈՂՈՑ, № 112

1888

Дозволено цензурою, Тифлисъ, 24 Февраля 1888 г.

Типографія И. Мартиросіанца, на Орб. ул., д. № 1 и 2



«ԱՂԲԻՐԻ» ԳՐԱԿԱՆԱԿԱՆ ԱՆԲՈՄ

Գ Ա Ր Ո Ւ Ն



ՏՈՐՔ—ԱՆԳԵՂ

ԵՒ

ՀԱՅԿԱՆՈՒՇ—ԳԵՂԵՑԻԿ

ՀԻՆ ԶՐՈՅՑ

Ն Ա Խ Ե Ր Գ Ա Ն Ք



ացուել էր զարունը, ջրերը պղտորուել,
Սար ու ձոր կանաչել, ծաղկով զարդարուել.
Ծիծեռնը զտել է իւր բունը հերուան,
Ղինում էր, կարկատում, դնում նոր ձուան.
Օձը տաքացել էր, թողել էր իւր բուն,
Սոխակն սպասում էր վարդի բացուելուն.

Գուգարաց աշխարհը նոր կեանք էր առել,
Լոքի ու Լալուարի ձիւները հալուել.
Գետը՝ Բողնոփորի վաղ արշալուսին,
Յորդացած վշշում է փրփուրն երեսին.
Անտառում Ուփրէթը՝ ամբողջ Սրամեան,
Զուքուել, զարդարուել է նոր-հարսի նման.
Բուրդերից խնդուլթեան արցունք է հոսում,
Կարծես սիրակարօտ հիւրի է սպասում.
Ամբողջ տիրուհին՝ չքնաղն ՀԱՅԿԱՆՈՒՇ,
Գեռ փափուկ անկողնում քնած է մուշ-մուշ.

Տեսնում է երազում մի մարդ աժդահա,
Մի գերան ուսին դրած՝ դալիս է ահա.
Գալիս է աժդահան ընկնում ոտքերը,
Ասում է՝ «Հնդկանուշ, դո՛ւ ես իմ սէրը.
Կնձ ինձ այս գերանով զարկիր, սպանիր.
Կնձ իմ աղաչանքս լսիր, ընդունիր»:

Վեր կացաւ տիրուհին փափուկ անկողնից,
Ինչպէս մի նոր արեւ ծովի խորքերից.
Ոսկեմաղ ծամերը ճաճանչի նման
Ծածկեցին մինչև ոտք հասակն աննման.
Երեք-չորս նաժիշտներ մօտեցան կուսին,
Տօն օրուայ հագուստով նըրան զուքեցին.
Նոր տեսած երազը գրաւել էր նրան,
Աչքից չի հեռանում ահռելի հսկան.
«Մենք շուտով, ասում է, մէկ հիւր կունենանք,
Պէտք է նրա առջև դուռը չըբանանք.
Ես տեսայ երազում մի մարդ ահաբեկ,
Եկել էր ոտքս ընկել իրլն փետացու»...

—«Այդ հսկան, թէ կուգես իմանալ ճիշտը,—

Ասում է ժպտելով նորա նաժիշտը,—
Երեկուայ գուտանի երգի հերոսն է,
Պառքամեան աժդահա Անգեղեայ Տորքն է.
Պարխարեան լեռնելում՝ երգչի ասելով,
Կենում է մի հովիւ քաջ Տորք անունով.
Նա մի շատ յաղթանդամ հսկայ է զօրեղ,
Բայց սիրտը բարի է, թէև դէմքն ահեղ.
(Թող մարդ կոպիտ լինի անհարթ սարի պէս,
Միայն սիրտը չընի անշունչ քարի պէս).
Նրան շատ սիրում են թէ մարդ, թէ գազան,
Աւրեժ ու վազրեր են հօտին սլահապան.
Նա քո ցեղակիցդ է, քեզ մօտ ազգակից,
Մի պապի թոռներ էք և մէկ արիւննից.

Գուսանի ներքողը աղղել է վըրադ,
 Երազում տեսել ես ազգակից Հսկադ»:
 — «Պէտք է պատրաստ կենանք, ինչ էլ որ լինի,
 Բերէք մէջքիս կապեմ իմ թուրն Հաւուսնի.
 Ամրացի դռները ամուր փակեցէք,
 Լուսեք զլիններդ, մաքուր Հաղնուեցէք.
 Ես գիտեմ, երազըս պիտի կատարուի,
 Մենք Հիւրին կընդունենք, եթէ ներս մտնի.
 Թէ փակած դռնովը ներս գալ կարենայ,
 Այդ նշան կըլինի, որ քաջ Տորքն է նա»:
 Իրաւ որ քաջ Տորքն էր երազի Հսկան,
 Գնանք, իմ ընթերցող, և բերենք նրան:

Ե Ր Դ Ա Ռ Ա Ջ Ի Ն

1.

Չատ դարեր առաջ Հին Հայաստանում,
 Տորք—Անդեղ սնուամբ մի մարդ էր կենում:
 Տորքը չէր նման Հառարակ մարդու,
 Այլ մի ափզաՀա և շատ աՀարկու.
 Աչքերը կասես մի-մի կապույտ ծով,
 Դաճանջաւորուած սրբի լուսով.
 Սև-սև ունքերը՝ մութ ամպի նման՝
 Բարդ-բարդ կուտակուած աչքերի վրան.
 Քիթը կորընթարթ, իբրև մի բլուր,
 Ատամներն ուրազ, եղունգները թուր.
 Կուրծքը կասենաս մի լանջ է լեռան,
 Մէջքը սարաժայռ, կռները զերան.
 Մի խօսքով մի գէտ և ոչ թէ Հսկայ,
 Ոչ ոք տեսած չէր այնպէս ափզաՀա:

Տգեղ էր Տորքը և շատ էր տգեղ,
 Դրրա համար էլ ասուեցաւ Անգեղ.
 Տգեղ էր դէմքը և այնքան դաժան,
 Որ զարհուրում էր, ով նայում էր վրան.
 Ահռելի էր նա և այնքան ուժեղ,
 Որ յիսուն գոմէշ չունէին մէկտեղ.
 Նա դեռ պատանի ժայռեր էր ճեղքում,
 Ճեղքում էր ձեռքով, ձեռքով էլ կոկում.
 Ճեղքում, յղկում էր քարէ տախտակներ,
 Եղունգով փորում պէս-պէս նկարներ:
 Նա մի հովիւր էր, հովիւ լեռնական,
 Բաց ոչ հասարակ, այլ դիւցադնական.
 Առիժ ու վազը նրան տեսնելիս՝
 Սովոր շան նման մօտն էին գալիս.
 Կարծում էին թէ՛ նա էլ է դազան,
 Եւ նա է իրանց դօրաւոր արքան.
 Փաթաթւում էին քաջի ոտներին
 Եւ կաղկանձելով աղերսում բաժին.
 Նա էլ տալիս էր սնունդ բաւական
 Եւ հօտի վրրայ կարգում պահապան.
 Ինքն այնուհետեւ գնում էր անտառ,
 Որ սնունդ գտնի իւր ուժի համար.
 Նա պոկոտում էր մեծ ծառեր հատ-հատ,
 Ու շինում նրանցից մի մեծ ցանկապատ.
 Անտառի շուրջը պարիսպ էր դառնում,
 Մէջը վայրենիք կաշկանդուած մնում.
 Եւ նա բռնում էր, բռնոտում այսպէս,
 Եղնիկ, եղջերու և այլ ինչ ասես:
 Քսան, երեսուն էրէ շալակած,
 Գնում էր հօտը յոգնած ու քրտնած.
 Առիժն ու վազըրը դէմն էին դալիս,
 Քաջի ոտքն ընկնում և բարեւ տալիս,

Եւ խնդրում էին դիւցազն Տորքին,
Մասնակից անել Համեղ ընթրիքին:
Նա չէր շատակեր Ջարայի նման,
Սիրում էր կաթը և մածուն ու թան.
Եւ չէր բարկացկոտ, այլ հեղ ու խոնարհ,
Բայց Տէրն ազատէր, թէ որ բարկանար:

2.

Մէկ անգամ գիւղում Տորքին դայրացրին,
«Անգեղ, գէշ Անգեղ», յետքից գոչեցին.
Իլ չըՀամբերեց, պոկեց մի մեծ ծառ,
Աւելեց նրանով ամբողջ գիւղն իսպառ.
Ասում եմ աւելեց, չըկարձէք սրբեց,
Այլ տուն, գոմ, մարաք գետնին Հաւաարեց.
Փախան մարդիկը ճանճերի նման,
Իլ ո՞վ կըկանգնէր Տորքի յանգիման.
Այսպէս երբ նրա բնութիւնն իմացան,
Իլ այնուհետեւ սրտին չըգիպան,
Այլ մեծ յարգանքով պատուասիրեցին,
Պարերդ շինելով գովաբանեցին.
Տղէրք, աղջկէրք՝ ձեռք ձեռքի տուած,
Եւ սլարում էին, և գովում Տորքին.
Իլ այնուհետեւ նրա դէմքն ահեղ
Առաջուայ նման չէր թվում անգեղ:
Անգութ չէր Տորքը և ոչ էլ անգէտ,
Լաւ որմնագիր էր և ճարտարապետ.
Ահագին վէմեր նա բերաւ տաշեց
Իւր քանդած գիւղը նորմէկանց շինեց.
Եւ այնուհետեւ իւր ուժն ահագին
Նա գործ էր դնում միշտ դէպի բարին:

Նրանից առաջ շատ քաղաք ու դիւղ
Թալանում էին գողերն աներկիւղ,
Բայց երբ լոյս ընկաւ Անգեղ Տորք Հսկան,
Աւաղակները ծակ ու ծուկ մտան,
Նա չէր գործ ածում ոչ թուր և ոչ նետ,
Միայն իւր տեսքով անում էր անհետ,
Բայց երբ թշնամին երես էր առնում,
Նա այն ժամանակ ուժին էր դիմում,
Վերցնում էր քարեր, քարեր ահագին
Եւ կարկուտի պէս թափում գլխներին:

Սև ծովի կողմից օտար թշնամիք
Թալանում էին և գերում մարդիկ,
Միշտ գալիս էին անթիւ նաւերով,
Այն էլ աշկարա, օրը ցերեկով,
Կողոպտում էին ծովափնեայ դիւղեր,
Եւ գերի տանում սիրուն աղջիկներ:

Մէկ անգամ եկան խնդրեցին Տորքին,
Որ գնայ օգնէ խեղճ ժողովրդին,
Գնաց մեր Հսկան, բայց նաւերն արդէն
Հեռացել էին Սև ծովի ափէն.

Ջալրացաւ Տորքը, գոռաց, մռնչաց,
Իբրեւ մի առիւծ նետահար եղած.

Բլրաչափ ժայռեր սարերից պոկեց,
Փախչող նաւերի յետքից շրպրտեց.

Դղրդաց ծովը, բարձրացան ալիք,
Նաւերը դարձան շարժուն խաղալիկ.

Ահա դարձեալ ժայռ, դարձեալ դղրդոց,
ձրջվում են նաւերն իբրեւ օրօրոց.

Էլի մէկ բլուր, մեծ քան գառաջին՝
Ընկնում է ուղիղ նաւերի գլխին.

Գնում են կրկին ժայռերը դունդ-դունդ,
Ջարկվում նաւերին և տանում անդունդ:

Ողջ կորան այսպէս աւագակները,
Դէպի անյատակ ծովի խորքերը.
Նրանցից միայն մէկն ազատուեցաւ,
Դուռը պատուած՝ իւր երկիրն հասաւ,
Եւ այնտեղ այնպէս հրաշքներ պատմեց,
Որ լսողներին սարսափեցրեց.

Ահա այս անգութ բարբարոսութեան
Վերջ տուաւ իսպառ մեր զօրեղ հսկան:

Յ.

Տօրքի անունը շատ հռչակուեցաւ,
Մինչև արքայի ականջը հասաւ.
Մեծ թագաւորը կանչում է Տօրքին,
Որ պարգևներ տայ և նայէ դէմքին.
Գնում է Տօրքը մի ծառ ունին դրած,
Ծառի ճղներից էրէներ կախած.

Այնտեղ կար այժեամ ու վայրի ոչխար,
Եղնիկ, եղջերու, վարազ ու կրխտար:

Տօրքի համբաւը առաջ էր գնացել
Եւ քաղաքացոյց նախապատրաստել.

Խանութ ու կրպակ ողջ կողպտեցին,
Փողով փողհարով դիմաւորեցին.

«Եկան, հա եկան, գալիս է, գալիս»,

Ամենքն էլ իրար իմաց են տալիս.

Թէ ծեր, թէ մանուկ, թէ աղջիկ, թէ կին,

Եկան տեսնելու նորեկ հսկային:

Երբ Տօրքը մտաւ մեծ մայրաքաղաք,

Նրան կարծեցին շարժուն աշտարակ.

Յիրաւ՝ նա ցած չէր աշտարակներից,

Բուրգ էր նա շինուած անտաշ քարերից:

Ծառն ուսին դրած դաւաղանի պէս,
 Քայլեր է անում չորս կանգուն ու կէս.
 Այսպէս նա հասաւ մինչև ապարանք,
 Արքայի վրայ աղօթեց մեծ զարմանք.
 Վայր դրաւ բեռը, բարձրացաւ վերև,
 Ծնկաչոք ընկաւ արքայի առջև.
 Թագաւորն ասաց, «ապրիս, ապրիս, Տորք,
 Դու չես մի հատ մարդ, այլ մի ամբողջ զօրք»:
 Արքայի ծունկը Տորքը համբուրեց,
 Արքան էլ նրա ուսին ձեռք դրեց:

4.

Լսել էր արքան, որ հսկայ մարդիկ
 Չեն լինում խելօք և ոչ էլ ճարպիկ,
 Բայց երբ Տորքի հետ լաւ ծանօթացաւ,
 Նա այս կողմանէ մի նոր գիտ արաւ:
 Տորքին նա պահեց մօտ երեք ամիս,
 չետն էր նստեցնում միշտ ճաշ ուտելիս.
 —«Ի՞նչպէս ես կարծում, —մէկ օր հարցրեց,—
 (Հսկայի խելքը նա փորձել ուզեց)
 Ո՞րն է զերպանց, ո՞ւժը, թէ՞ խելքը»:
 —«Նրկուսն էլ լաւ են», ասաց քաջ Տորքը,
 «Փոքրիկ ուժի մէջ չի լինիլ մեծ խելք,
 Ոչ էլ ուժեղը կըլինի անխելք.
 Բայց ի՞նչ է խելքը, —ոչ ոք չըզիտէ,
 Անխելքի համար խելօքն անմիտ է:
 Ուրիշ է խելքը գլխապահութեան,
 Եւ ուրիշ խելքը յափշտակութեան.
 Այդ ամենքն ունին՝ թէ մարդ, թէ զազան,
 Թէ խելօք լինի, թէ անմիտ անբան:
 Բայց կայ մի այլ խելք, խելք դիւցազնական,

Որ հնարում է, ստեղծում է բան,
 Որ մեզ տանում է միշտ դէպի բարին
 Եւ մօտեցնում Արարչի գահին,
 Որ բանեցնում է օդին ու ջրին,
 Ծառայեցնում կրակին, հողին,
 Զինում է գութան, կամն ու ճախարակ,
 Հերկում, մշակում դաշտ ու ագարակ,
 Որ քարին, փայտին տալիս է նոր ձև,
 Նոր գործադրութիւն, և այն յարատև.
 Այս է հշմարիտ խելքն իմ կարծիքով,
 Մարդը գազանից վեհ է միայն սրանով»...
 Զարմացաւ արքան, այլ և հիացաւ,
 Երբ հսկայ Տորքից այս բանն իմացաւ:

5.

Մէկ օր էլ արքան տեսաւ մեր Տորքին՝
 Մէկ բլրաչափ ժայռ բռնել է ձեռքին,
 Ահադին ժայռը շուռ-մուռ է տալիս,
 Կարծես երեխայ լինի խաղցնելիս.
 Ժայռը ճեղքում էր Տորքը՝ ձեռքերով,
 Փորում, փորփրում սուր եղունգներով.
 Փորեց, փորփրեց, տաշեց, տաշտըշեց,
 Վերջն արքայի պէս մի արձան շինեց.
 Եւ ինչքան նման, ինչքան գեղեցիկ,
 Զորն այնպէս կարել չէր կարող դերձիկ.
 Արքան կատարեալ,—ծիրանի հադած,
 Բոլոր զարդերով զուքուած, զարդարուած,
 Գահի վրայ բազմած, թագը դրած գլխին,
 Թուրը քաշ արած, գաւազան ձեռքին,
 Փառահեղ մըրքով, մարդարտով հիւսած,
 Երբ տեսաւ արքան, մնաց հիացած:

«Այս ի՛նչ հրաշք է», մէկ օր էլ արքան,
Տորքին նայելով՝ ասաց ինքն իրան.

«Փիղը խելօք է, թէ՛ւ ահադին,
Բայց ո՞վ կըկարծէ, որ այս հսկային
Աստուած տուել է՝ և՛ խելք և՛ հասակ,
Այլ և նկարչի հրաշալի ճաշակ.

Արդեօք՝ սէր էլ կ'մնայ մարդու սրտում,
Բայց ո՞վ կըսիրէ սրան աշխարհում.

Ո՞րտեղ կըգտնուի այնպիսի մի կին,
Որ ուզի դառնալ տրան ամուսին.

Բայց լաւ կըլինէր, եթէ՛ յաջողէր,
Մենք կ'ունենայինք քաջ հպատակներ»:

Այսպէս մտածեց արքան ինքն իրան
Եւ կանչեց Տորքին, որ խօսեցնէ նրան:

—Տորք,—ասաց արքան,—ես չեմ հաւատում,
Որ սէր ունենաս քո կարծր սրտում»:

Ժպտաց մեր հսկան, ինչպէս մի ծծկեր,

Երբ մօրից լսէր, թէ արի ծիծ կեր,

Եւ սրտի սէրը իւր վառ կայծերով

Փռուեց երեսին վարդի թերթերով:

—«Իսկ ես, արքայ քաջ, ասաց մեր հսկան,

Ինձ որ ասէին, թէ կայ մի գաղան,

Մի օձ, մի ծաղիկ, կամ մի անշունչ քար,

Չէի հաւատալ, որ սէր չունենար.

Երկինք ու գետինք, թէ ցամաք, թէ ծով,

Բոլոր տիեզերք լցուած է սիրով»:

—Տորք, դու խօսում ես իբրեւ սիրահար,

Ընտրել ես անշուշտ մէկին քեզ համար»:

—«Ո՞ւմ պէտք է ընտրեմ յարմար իմ սրտին,

Ես դեռ չեմ գտել ինձ նման մէկին».

Հեռու աշխարհում մեր սերնդից կան,
 Բայց ես չըզիտեմ այն երկրի ճանապան.
 Մէկին տեսնում եմ այնտեղ երազում,
 Որպէս թէ մի խոր ձորում է կենում.
 Ինձ նման անբախտ, ինձ նման մենակ,
 Բայց ոչ ինձ նման անդեղ, ալլանդակ.
 Նա գեղեցիկ է և շատ գեղեցիկ,
 Ինչպէս նոր ծագած կարմիր արևիկ:
 — «Բայց՝ ի՞նչ ես կարծում՝ այդ գեղեցկուհին
 Կըղառնայ արդեօք քո ընկերուհին»:
 — «Նա ինձ երազում հաստատ խօսք տուաւ,
 Եւ խոստանալով՝ մի պայման դրաւ.
 «Եթէ գաս», ասաց, «կուռես ու յաղթես,
 Դու ինձ կըստանաս, կառնես կրբերես».
 Հիմա չըզիտեմ՝ որտեղ կըդտնեմ,
 Որ կուռեմ, յաղթեմ ու առնեմ բերեմ»:
 — «Ես իմաց կըտամ իմ բոլորներին,
 Նրանք կըդտնեն քո գեղեցկուհին»:
 Տորքն ուրախացաւ, բայց և ամաչեց,
 Տղայի նման նա կարմրտակեց.
 Արքայի ծնկան նա համբոյր տուաւ,
 Եւ իսկոյն Լեւթ մօտիցը վախաւ.
 Թագաւորն ինքն էլ շատ ուրախացաւ,
 Որ Տորքի սիրոյ գաղտնիքն իմացաւ:

7.

Արքան հրաւիրեց կուսակալներին,
 Որ այդ ժամանակ պալատումն էին,
 «Կուգեմ իմանալ, ասաց, մեր երկրում
 Ի՞նչպէս ցեղեր կան, ի՞նչպէս են ապրում».

(Թագաւորն ինքը չէր մեր աշխարհից,
 Այլ հրաւիրուած մի ուրիշ երկրից)。
 «Արգեօք մեր երկրում վաղուայ պէս չըկան
 խոշոր հսկաներ մեր Տորքի նման»։
 Ամենից առաջ խօսեց Առանը,
 Բաղաց աշխարհի զօրեղ իշխանը。
 — «Ողջ լեր, թագաւոր, մեր երկրում դեռ կան.
 Յաղթանդամ մարդիկ ճիշտ Տորքի նման.
 Նրանք կենում են լերանց խորշերում,
 Միջին ձորերում և քարայրերում.
 Պնդոցն են քաշվում, որ ազատ մնան,
 Քեօխվի ու գզրի ոչինչ հարկ չըտան.
 Տներ են շինում և գետնի տակին,
 Անքար ու անփայտ, սարերի միջին.
 Տեսնում ես նաև հարթ գետնի տակից
 Ծովն է դուրս գալիս քառասուն տեղից.
 Զըշկվում է մարդ, թէ սա ի՞նչ բան է,
 Մի՞թէ սա զիւղ է, — ո՞վ կարծիք կանէ.
 Մի դուռն ես գտնում, մտնում և ահա,
 Քսան, երեսուն մարդիկ աժդահա,
 Մի քանի դերան կրակին դրած,
 Նստած են շուրջը մըռուլ-թնին կախած.
 Իսկ նրանց մայրը՝ պառաւ աժդահան՝
 Դրել է կրակին քառականթ կաթսան,
 Երեք-չորս վարազ ողջ-ողջ մէջն ածած,
 Առ է պատրաստում մէկ թի ձեռքն առած.
 Խառնում է կաթսան թիւաշերեփով,
 Ինչպէս մեր կանայք փոքրիկ չամչիկով.
 Տունն ունի նաև անթիւ մաղարէք,
 Այնտեղ են լցուած հարսն ու աղջկէք,
 Բոլորն էլ խոշոր, բոլորն էլ հսկայ,
 Թէ մարդ թէ կնիկ, աղջիկ թէ տղայ։

Բայց չեն Տորքի պէս անտաշ ու անկաղմ,
 Այլ շատ դեղեցիկ և վալելչակաղմ»...
 —«Ուղիղ է ասածն Առան իշխանի,
 Ասաց բգէշխը Գուգարաց երկրի.
 Մեր հսկաներն էլ ձորերը մըտան,
 Որ գզիրներին ոչինչ հարկ չըտան.
 «Ով որ, ասու՜մ են, գզրի ձայն լրսի,
 «Նա տեղն ու տեղը ձեան պէս կըհալչի.
 «Մարդիկ էնդուր են այնչափ մանրացել,
 «Ու մէջքըներից թեքուել, կըռացել,
 «Որ հարկ են տալիս գզրին ու քոխվին,
 «Այն էլ դրամով, որ բնաւ չունին:
 «Մենք չունինք գզրի, քեօխվա, քեաթխուդա,
 «Էնդուր ենք մնացել այսպէս աժդահա»:
 —«Բայց միթէ իրանք դրամի պէտք չունին»,
 Հարցրեց արքան Լօռու բգէշխին:
 —«Դրամը պէտք է սնունդի համար,
 Որ գնեն սնունդ և հաղուտտ յարմար.
 Երկուսն էլ ունին. ունին վար ու ցան,
 Ունին խոզ, ոչխար, լծկան ու կթան.
 Ունին վուշ, բամբակ և որդ շերամի,
 Զանազան ներկեր և որդն կարմրի.
 Կանայք մանու՜մ են, ներկում ու գործում,
 Միրուն հագուստով զուքվում, զարդարվում.
 Նոյնպէս հագցնում են բոլոր միւսներին,
 Գործում են գորգ, շալ, և տան անկողին,
 Եւ այլ ամենայն մանր ու խոշոր բան,
 Ինչ որ գործվում է և պէտք է մի տան.
 Ունին եղ ու մեղր և մածուն ու թան,
 Միրգ, հունդ, արմտիք, բանջար զանազան.
 Աղբիւրներ ունին վճիտ, սառնորակ,
 Վիրաբուժութեան գիտեն դեղ, ճարակ.

Իսկ ինչ որ չունին և պէտք է իրանց,
Փոխանակելով տալիս են միմեանց.

Դինի և օղի նրանք չեն խմում,

Մոլութիւններէց հեռու են փախչում.

Եւ ապրում էլ են նրանք շատ երկար,

Ոչ մէկը չըկայ հիւանդոտ, տկար:

Բոլոր անդամներն ամբողջ համայնքի,

Զաւակ են կարծւում մի ընտանիքի.

Այսպէս միաբան, սերտ սիրով կապուած,

Մէկ մէկու համար գլուխ լետ դրած:

Չատ հիւրատէր են և մեծահոգի.

Խիստ աւանդապաշտ և առաքինի»...

— «Բայց մեղ ինչ օգուտ այդ հսկաներից,

Երբ որ փախչում են հարկահաններից»:

— «Հարկից խորշում են, բայց ոչ կռուելուց,

Ո՛չ հայրենիքի պաշտպան լինելուց.

Ունին ահագին աղեղ, պարսատիկ,

Կռիւ են դնում ինչպէս հարսանիք.

Քարեր ու նետեր կարկուտի նման

Թափում են կռուող թշնամու վրան.

Իսկ երբ քար ու նետ չունին ձեռներին,

Դիմում են իրանց ուժեղ կռներին.

Մէկը հարիւրին, տասը՝ հազարին,

Ջարդում են, ինչպէս դայլը՝ ոչխարին»:

— «Եթէ այդպէս է, ազատ թողեցէք,

Այդ հսկաներից էլ հարկ մի առնէք.

Բայց «մէկ պայմանով», ասում է արքան,

Որ մեր քաջ Տորքին մի հարսնացու տան»:

— «Այդ շատ դժուար է, ասաց իշխանը,

Թէև կատարեն քո խիստ հրամանը.

Նրանց մէջ առանց մենամարտելու

Սովորով չըկայ աղջիկ ուղեւու.

Մրցել են տալիս փեսացուներին,
 Որ աղջիկն ընկնի վերջին յաղթողին.
 Բայց զորձը զրանով դեռ չի վերջանում,
 Յետոյ աղջիկն ու տղան են մրցում.
 Եթէ փեսացուն չի յաղթում աղջկան,
 Էլ այն աղջիկը չի գնում նրան»:
 — «Ուղիղ մեր Տորքի երազի նման,
 Ասաց խնդալով մեծադոր արքան.
 Մենք էլ կուղարկենք մեր հսկայ Տորքին,
 Թող գնայ փորձէ իւր ուժն ահագին»...

Ղ. ԱՂԱՅԵԱՆՅ

(Կըշարունակուէ)



ԲԱՐԵԿԵՆԴԱՆ



Ռ

ստակէս պապը մի օր հէրու սո-
վորականից աւելի տխուր էր:

Յետի բարեկենդանի վերջին շաբաթն էր:

Երեկոսէքը կտերն արևի տակին վազէ-վազ էին ա-
նում և ուրախ թռչկոտում էին:

Նրանցից միայն պապի սիրելի Աշոտը նկատեց հե-
ռուից պապի անսովոր փոփոխութիւնն ու ջոկնուեց ըն-
կերներինցն, եկաւ ծերունու առաջին չոքեց:

Փոքրիկը մինչև անգամ վախեցաւ:

Պապի ոտք ու ձեռքը դողում էին: Նա թիկնած էր
պատին յենուած՝ բայց նրա թիկունքը չէր մնում հաս-
տատ պատին ամրացած:

— Պապի ջան, հիւանդ ես, տխուր հարցրեց Աշոտը:

— Այո ինչ շաբաթ է, Աշոտ, իւր կողմից հարցրեց
պապը:

— Զրդիա՞ն, յետի բարեկենդանի հինգշաբթին է:

— Գնաց, երեք օր մնաց, մրմնջաց ինքն իրան պա-
պը. բայց ինչպէս եկաւ, ինչպէս գնաց, ոչ ոք չիմացաւ:
Հայ գիտի ժամանակ, ընդունը համար են ասել, անցկա-
ցած օրին օր չի հասնիլ:

Մի խոր հառաչանքի հետ պապի ճպճպան մանրա-
ցած աչքերից երկու կաթիլ արտասոււնք գլորուեցաւ:

— Ի՞նչ է պատահել, ձեռքերով պապի պարանոցից
կախուեց Աշոտը, դու լալիս էլ ես, պապի ջան:

— Փառքիդ մեռնեմ Աստուած, Քո տնօրէնութիւն-
ներդ անքննելի են, ինչ օրում էինք, ինչ սրտի տէր

էինք, Հիմի ի՞նչ ենք, իրար չեն բռնում, իմ կարճ խելքս չի հասնում: Ես անարժան, մեղաւոր, սւեքեւ եմ, Գու արժանաւորաց աղօթքը լսե՛ս, աւելի վատթար օրերիցն ազատե՛ս:

Թուան ներկայութիւնը և նրա ձանձրացուցիչ թախանձագին հարցասիրութիւնը կարծես պապի համար չէին: Նա դողդողջուն ձեռքերը երկինք բարձրացրած՝ բազկատարած Երկնային Տեսչութեանն էր դիմել իւր համար մի անհասկանալի հակասութիւն պարզելու:

—Հալածանք, քոչէ-քոչ, արբաբ, աղջիկ հարեմները քաշել, կոռ, բեգառ, արանչիք, թալանչիք, հաղար տեսակ նեղութիւններ, հետն է՛լ ուրախ սիրտ, սէր, սոհբաթ, բարեկամութիւն, հարեւանութիւն, դատկի, բարեկենդանի անմեղ զուարճութիւններ . . . իսկ այսօր . . . այսօր հանգիստ խիղճ, ազատ աստուածայաշտութիւն, բայց սէր, զովդ, եղբայրութիւն, սրտի մի ուրախ տրամադրութիւն . . . երբէք, երբէք . . .

—Այդ ընչէ՛ր ես ասում, պապի ջան, ես ոչինչ չեմ հասկանում, ընդհատեց Աշոտը:

—Հն, լաւ միտքս բերիր, գառնուկ... դարձաւ պապը դէպի թուռ. բաս այս բարեկենդանի համար ձեռ խալֆէն, կամ ոնց որ Հիմի ասում էք, վարժապետը ձեզ բան չըբաշխեց, բաս դուք նրան ընծայ չըտարա՞ք, բաս չըկապեցի՞ք, բաս էսօր է միայն ձեզ մոնթաթող արե՛լ, բաս էն երկու շաբաթը սարէ-սար կարդում էի՛ք:

—Ընչի՞ չըպէտք է կարդայինք, պապի ջան, ի՞նչ ընծայ, ի՞նչ բաշխիշ, միայն այսօր է մեզ տօն արել ի պատիւ Վարդանանց և էքուց ու միւս օրն էլ բարեկենդան է:

—Որ այդպէս է, լսի՛ր ես քեզ պատմեմ մեր հին ժամանակուայ բարեկենդանից մի տարուանը, ոնց որ այսօր միտքս է, քեզանից շատ հասակով կրլինէի, բեղերս եկած մարդ էի, ինքս էլ կանդնած՝ զուլուղ էի անում:

—Աստ, պապի ջան, աստ: Բայց սպասիր ընկերներին
էլ կանչեմ, բոլորն էլ լսեն:

Հինդ-վեց երեխայք վեցից մինչև 10—12 տարեկան
շուրջ բոլորեցին Ռոտակէս պապին:

—Ամենից յառաջ ձեզ պէտք է ասեմ, երևայք, սկը-
սեց պապը, որ մեր ժամանակը բարեկենդանն երկու շա-
բաթ էր:

Հէնց որ սուրբ Սարգսի խաշիլը կուտէին, կրվերջա-
ցնէին, միև օրուանից գիւղն իրարի կրկնուէր:

Հիմի թող ամեն մարդ իր քթի ծակերը մաքրի ու
մուխը դուրս գալու երթիկների մօտ նստի անուշ խորակ-
ների հոտովը կշտանայ:

Քէֆին ու գովղին հաշիւ ու համար չըկայ, բայց ես
բոլորը թողնում եմ ու մինն եմ պատմում:

Այս էլ մի մոռանաք, որ քանի լուսահոգի Կարա-
պետ աղէն—գրախտի բաժին Ներսէս Կաթողիկոսի եղ-
բայրը—մեր գեղիցը չէր փախել Թիֆլիզ, նա ինքը պէտք
է բարեկենդանի ուրախութիւնն սկսէր:

—Տղէք, բարեկենդան օրեր ա, ինչքներս կօրել ա,
ձայն տուեց Կարապետ աղէն ու յառաջ ընկաւ գէպի Ա-
նանց այգու ձորաբաշի տապարակ ափը:

Աշտարակու առաջաւոր, խօսքները կտրուկ իշխաննե-
րը հէնց դրա համար այսօր ամեն օրուանից շուտ հաւա-
քուել էին Թիրանաւոր եկեղեցու պատի տակին արևա-
կող արել, սպասում էին Կարապետ աղի դուրս գալուն:

Ամէնքը նրա քամակիցը գնացին: Ոչ ոք չէր վստա-
հանում բերան բանալ: Նշան տուողն ինքը Կարապետ ա-
ղէն պէտք է լինի:

Դեռ մեր իշխանները տեղ չէին հասել, որ ձորաբա-
շի մեծ-մեծ հաստաբուն գեառգեառի ծիրանոնց տակին
Աստուծոյ ամեն բարութիւնը փռուել էր:

Սպիտակ մի գաղաչափ փափուկ լաւաշ հացերի վրայ

կտրատած, ճիւղ-ճիւղ արած, խաշած հաւի իւղալի կտոր-տանքն ասես, թարփիցը նոր հանած, խլպլտալով փորե-րը մաքրած ու կենդանի-կենդանի եռման ջրի մէջ խաշած անմահական ձուկն ասես, սեպհական հօտերից դօշը փախցրած, անժամանակ աշխարհ եկած, դմբռճիկ, պոչը ծաղիկ դառների փափուկ ինաշլամէն ասես, հաստադունչ կողակ—աղը դրած ձկան հոգահամ դառան գլխից մեծ մեծ գլխախոտոցներն ասես, ձու, պանիր, վաճառ ծովի տառեխ—գինու հետ յարմարուող խորակներն ասես, ո՞ր մինը թուեմ, Աստուծոյ հաղար մի բարին անհատնում փռուած էր զազալաթափ ծառերի տակին:

Այ ու դեղին, սխալտակ ու կարմիր գինիներն եթէ շարուած գաւերիցը դատարկէիր, առու կրլինէր, կերթար ձորումը Քասաղ գետի անմահական ջրին կրխառնուէր ու դեռ ծայրը չէր կտրուիլ:

Քարեկենդան բառը Կարապետ աղի բերանից դուրս եկաւ ու քէթխուղէքն իրանց ջահլիներին ինչ որ պէտք էր հրամայեցին:

Ներկայ եղողների բոլորի տանիցն էլ խօնջալ էր եկել:

Այս ո՞ր օրն է, վերջին աղքատի տանն էլ այսօր Աստուծոյ մի հոգին կայ, գիւղացի հարուստը մինչև որ աղիկ օրերն իւր աղքատ հարեւանի սան հոգսը չըքաշի, իւր տան պատրաստութիւնը չի տեսնիլ:

Էսպիսի օրումը ամեն մարդի աչքն իւր դրանը պէտք է լինի ոչ ոքի կոկորդից պատառ չի կուլ դնալ, եթէ ապահով չըլինի, որ իւր տանտիկինը Աստուծոյ աղքատին բաժին չի հանել:

Էդպէս էլ լինում է. մեր խնայող տանտիկինը, որ սովորութիւն ունէր կերակրի համար պատրաստած նիւթեղէնից մի-մի փոքր լետ պահել, որի ձեռքը սովոր էր ինքն իրանից գողութեան, հիմի նա մոռացել է իւր տընտեսութիւնը, ամբողջ տարուան խնայածը դործ դնելու օ-

րերն են. հինգ հոգու համար 15 մարդի բաժին է պատ-
րաստում:

Տէրտէրը բազմեց սեղանի գլխին, Կարապետ աղէն
նրա կողքին, իշխաններն էլ կարգով շարուեցին:

Հացն օրհնուեց, Կարապետ աղէն իւր պաշտօնն ըս-
կեց:

—Արեղաթող, մանկաթող է, բարիկենդան օրեր ա,
խելքներս կորել ա. Աշտարակու առաջաւոր իշխաններ,
ձայն տուեց մեր դեղի պարծանքս աղէն, ողջ տարին հո-
ղիներս դուրս է գալիս տանջուելով, տան հոգսերի ու դե-
ղի ցաւերի վրայ մտածելով բռնակալ անհաւատները բռնի
ու լծան տակին աչք չըբանալով, մի քանի օր էլ մեզ
անզգայութեան տանք ու ամեն վշտեր մոռանանք. ու-
տենք, խմենք, խաղանք, խնդանք, ահէլներս նոր ջահէ-
լանանք, մի օր ծնուել ենք, մի օր էլ մեռնելու ենք:

Դէհ սկսենք, գաւաթներդ լի՛քը-լի՛քը:

Գաւերը շարժուեցին:

—Լաւ միտքս եկաւ, աջիդ մատնդ, տէր հայր, քա-
նի խելքներս գլխներիս է, առաջին երեք բաժակի կա-
ռավարիչը դու դարձիր, դեռ քո արժանաւոր օրհնու-
թիւնդ ում որ հարկաւոր է տուր, միւսներն իմ ծանրու-
թիւնն է:

—Կենդանութիւն, բերանը բաց արեց տէրտէրը,
մի-մին բաժակ խմենք, ասենք շնորհաւորբարեկենդան, Աս-
տուածմեր Լուսաւորչի Աթոռը հաստատ պահի, մեր Հոգևոր
Տիրոջն երկար կեանք տայ, նրա սուրբ օրհնութիւնը հայ
ազգի գլխից անսրսկաւ անի:

—Ամէնքը ոտքի կանգնեցին, գտակները հանեցին ու
տիրացու Մարտիրոսն իւր հրշտականման ձայնով «Էջմիա-
ծինն 'ի Հօրէ» շարականն երգեց:

—Այս երկրորդ բաժակովն էլ վայելեցէք ու ձեռք-
ներդ առ Աստուած բարձրացրէք, որ մեր խեղճ հային գե-

բութիւնից, անհաւատի լծից վրկի, ազատի, այս եռման ջրին հով ջուր ածի, մեր մեղաց համար տուած պատիժը բաւական համարի:

Նորից կանգնեցին ու զինի չէր խմածները, ամէնքը հաւասար լեղի կուլ տուին, շատ աչքերից արտասունքներ թափուեցին:

—Ես իմ սլարտքը պրծնում եմ, նորից բաժակը ձեռքը առաւ տէրտէրը, այս մի բաժակն էլ խմենք, ասենք. Աստուած Աշտարակ գիւղի հիմքը հաստատ անի, մեր բանին, գործին յաջողութիւն տայ, մեր ջահէլներին կեանք ու արեւշատութիւն տայ, մեզ էլ մեր երեսի ջրով մեր զակաների մի բուռը հողին արժանի անի:

Տէրտէրը սլքծաւ, Կարապետ աղէն սկսեց. ինչքան տէրտէրը տխրացրեց, սա հիմի մի երկու բաժակումն ամէնը մոռացնել տուեց:

—Ազատ հրաման եմ տալիս, որ մեր բոլոր ջահէլ-ջուհուկներն էլ բարեկենդան անեն, մուրախաս, քեարդաբանշ . . .

Դեռ խօսքը չէր վերջացրել, տասը տեղից պատգամաւորներ եկան մի-մին գաւ գինով, մի-մին խօնչայ կերակուրեղէններով և յայտնեցին իրանց սէր ու զովդ անող խմբերի խորին յարգանքը դիւղի պաշտպաններին և իրաւունք խնդրեցին ազատ ժամանակ անցկացնելու:

—Ես ձեր ծառայ պսակուած, երեսեքանց տէր դառած, ձեր հայրերիդ առաջին բերան բանալու իրաւունք չունեցող խոնարհ որդիերանց կողմիցն եմ, գլուխ է իջեցնում մէկն ու իւր խօնչէն վալը դնում Կարապետ աղալի առաջին:

—Մի բաժակ զինի լցրէք դրա բերանը, հրամանք է անում աղէն և թող գնայ մեր բարեհաճ կամքը յայտնի իւր ընկերներին, թող լաւ քէֆ անեն:

—Ես ձեր գժատուտ ազափ տղէքանց ղուլլուդտան

եմ, եկել եմ ձեր սուրբ բերանների տաք ու հովն իմանամ, ինչ էք հրամայում, էս տարին գլխներս փչելով անցկացրիք, եկող տարի մեր կարմիրը կապելու էք, թէ հէնց օրն էսօր ընկնենք գիւղի մէջը, ամէնքս մեր սիրածներին թուցնենք, զանք ձեր ոտքերը փաթաթուենք, իրաւունք խնդրենք, տէրտէրի օրհնութիւնն առնենք:

—Ձեր ոտի հող ու մոխիր քէյվանի տանտիկիւնների պարգէն է, նրանք իրանց գլխի տէրերի հրամանին են սպասում, որ Հոռմ նանենց մեծ տանը, նրա շուաքի տակին մի քիչ ուրախանան, ձեզ յաջողութիւն, ջահելներին ումբր ու արև խնդրեն:

—Մենք էլ տէրտէրի գիժ մոնթերից ամենագոթերն ենք, յառաջ եկան մի փոքրիկ ափսէով մի քանի աշակերտներ: Տէրտէրի կարգին ղուրբան, մեզ մի սիպտակ սհաբդուան շաւաղաթ արաւ բարիկենդանաբաժին, զնացինք Մողնի հաւ, ձու, իւղ առանք, մեր տներիցն բերինձ, կաթ, զաթայ, հալսալ գողացանք, տէրտէրենց գոմի կտերը տաղեր ենք առում, աթրմայ թռչում, քաղցր թերմուն ենք խմում ու ֆալախայ հնարողի կողքերն օրհնում, որ իր անտէր գործիքը չըհնարէր ու մեր ոտները կաշին դաղդղորիկ չածէր:

Ափսէն մէջ տեղ տէրտէրի առաջին վալլ դրին և սփռոցն յետ բաց արին:

Տակիցը դուրս եկան մի քանի կտոր չոր խորակի հետ մի լախտ և մի փալախայ:

—Տէրտէրի աջին մատանդ, խօսեց մի չարահին, թէ որ ինքը հրամանք չանէր, թէ երեխէք, բարեկենդան ա, մոնթաթող ա, մենք օձի միւ կ'ուտէինք ու էս գժութիւնը չէինք անիլ, ողջ տարին, դճւք՝ մեր հէր ու պապեր, մեր հոգին հանում էք, ամառն ա դալիս, այգիները ու արտերը քարերն էք ժողովել տալիս, ձմեռն ա դալիս, ամէնքդ ձեռներդ թափ էք տալիս տաք տաք

գոմերի օդէքանցումը մարաքետներ ու առականեր լսում,
խօս մեզ կոխում էք տէրտէրէնց զոմը, թէ գնացէք զո-
մեշներն տուշոցի, ձիանոնց խրխնջոցի, իշանոնց զոզը-
ոցի, կովերն բառանչոցի, իծանոնց մկրկոցի հետ դուք
էլ փէլին կուլ տուէք, թօղումը խեղկուեցէք, ձայներդ
զլխներդ քցեցէք, զղլացրէք, այլ ինչ չուն, այլ ժէճէ
ռան էնքան բլբլացէք, ութ կանոն ստղծոսի տներն էն-
քան զղեցէք, որ գլխներդ ուղեղը հալէի:

Հարցնում էք արդեօք, թէ մեր մատներն ծայրերն
ու ոտներն տակերն ինչ կրակներում են էրվում, ում մատ-
ների վերայ օրը մի հաստ քանոն չըկոտորուի, նա գտալն
եօթը գաղ երկինքն է ծուլ անում, ում ոտների ոլոյներն
օրական երեք հետ ֆալախի սլարանի ոլորոցից չըճռճը-
ռայ, չըտրաքտրաքի, նա ուրախութիւնից վեր վեր է
թռչկոտում:

Բարեկենդան ստեղծողի հնդին դրախտումը ծլկայ,
նա մեզ համար է մտածել, որ էս օր դանք ձեր առա-
ջին անկուենք, էս դժոխքի զարծիք ֆալախի դօրութիւ-
նը ձեզ էլ ցոյց տանք:

— Հիմի ինչ էք ուզում, ա՛յ սատանի ձողեր, հարց-
րեց Կարապետ աղէն:

— Ձեզանից խնդիրք ենք անում, որ մեզ իզին
(իրաւունք) տաք, տէրտէրին կտալենք, ոտները փալախի
մէջ չարբանդենք, մեր սրտի մուռը հանենք: Պուք չըղի-
տէք որ էս քանի օրուան արած ուրախութիւնը մեր քը-
թիցը բերելու է սա մեծ պատի երեքշաբթի օրը. ձեր
ինչ դարդն է, թէ ողջ ձմեռուան կարգացած դատերու
քաղուածք է տուել, որ երեքշաբթի օրը համար տանք,
հիմի ասացէք մեր ըողաղովն ինչ կերակուր ենք կերթայ,
չօռ ու ցօռ կըմարտենք, ոչ թէ բարեկենդանի անուշ խո-
րակներ: Էնքան լինի, որ դուք մի քոմօջի աչքով ա-
նէք, մենք տէրտէրին պինդ կըչաթենք ֆալախի մէջ ու

մինչև հաստատ խօսք չբաց, որ քաղուածքը չի պահանջիլ, բաց թողնողը չենք:

—Արէք ինչ որ ձեր կամքն է, հրամայեց Կարապետ աղէն, էսօր ձեզ մանթաթող՝ վանքումն էլ արեղաթող է. հիմի վանքի տիրացուները մի մին ասլան են դառել ու իրանց մեծաւորներին կապում կռակպոտում:

—Յալլա, ձայն տուին միաբերան փոքրիկներն ու յարձակուեցան տէրտէրի վրայ:

Մէկն էլ լախտն առաւ ու գլխավերելը ցցուեց:

—Ազատ էք, քաղուածքը վերջացնում եմ, զնացէք, քէֆ արէք, ձայն տուեց քանիցս տէրտէրը:

Սատանի ձաղերը չեն հաւատում, ահը շատ էր քան թէ մահը, սկսեցին տէրտէրի ոտքերը ֆալախի մէջ պնդել:

Կարապետ աղի գլուխը վկայ, որ քաղուածք չըկայ, երգուեց տէրտէրը:

Փոքրիկները բաց թողին քահանային և նրա աջը համբուրեցին: Նրանք Կարապետ աղի հրամանովը մի տաղ էլ ասացին ու զնացին ապահով իրանց գովը կատարելու:

Ամեն տեղ խօնչայ բերողներն էլ մի դաւ գինի և մի քանի կտոր կերակուրեղէն պարգև տալուն Կարապետ աղից և իրաւունք ստացան ուրախ բարեկենդան անել:

Ռոտակէս պապը լուեց:

Լուել էին և երեխայքը: Նորանց բերանները բաց էին մնացել, սպասում էին շարունակութեան:

Դեռ շատ կըսպասեն:

ՊԵՐՃ ՊՌՕՇԵԱՆՅ



ՎԱՐԴԱՆԱՆՑ ՊԱՏԵՐԱԶՄԸ



ըբ որ պարսից շղթայն դաժան
կաշկանդել էր խեղճ Հայաստան,
Եւ մշուշը մոլար կրօնին
Պիտի սքօղէր Եկեղեցին:

Յայնժամ, ահա, կրօնի պաշտպան,
Եւ նահատակ, և ախոյեան
Հանդիսացաւ 'ի ճաւարշան,
Մեր պաշտելի Քաջըն Վարդան:

Եւ ոչ նուազ Ղևոնդ երէց,
Իւր քաջութեամբ մեզ փառք բերեց.
Մի ձեռքում խոչ, միւսում դրօշակ,
Նա խրախուսէր որպէս Հրեշտակ:

Սրտով վառուած Հայ զինուորըն
Չէր ընդունում պարսից կրօնըն,
Եւ մինչ արեան կաթիլն վերջին
Պաշտպանեց իւր Եկեղեցին:
Անկաւ Վարդան, բայց նրա անուն,
Դարուց ի դար մնաց փայլուն:

Մ. Տ. ԶԱՔԱՐԵԱՆՑ






12000 12000

ՓՈՔՐԻԿ ԶԿՆՈՐՄՆԵՐ

ՄԱՐՏԻՆ ԼՈՒԹԵՐ

3.

տլթերի փորձութեան ժամանակը տեւեց երկու տարի: Այդ միջոցին կատարում էր ամեն տեսակ դժուար աշխատանք—ավելում էր վանքի բակը, փաշտ էր կտրում, ջուր կրում, քաղաքի մէջ ստսրորիկ շրջում և սղորմութիւն հաւաքում Առտուծոյ տաճարի և վանական միաբանութեան համար:

Խտրագանում էր իւր մարմինը հոգւոյ փրկութեան համար, շղթաներ էր հանում, սովով և ցրտով ինքն իրան չարչարում. ցերեկները պարագում էր դրսում, զիշերները փակվում խուցի մէջ և գրեթէ մինչև լոյս հըսկում էր սրբազան դրքեր կարդալով և աղօթելով:—«Այս վարդապետը զրքեր է կարդում, երևի թէ կամենում է մեզնից խելօք դառնալ»,—ասում էին վանքի միաբաններն և տալիս էին նրան ևս առաւել ծանր աշխատանք, որպէս զի զրքեր կարդալու ժամանակ չունենար: Քայց Լութեր ամեն բանի յաղթեց և օրինակելի միաբան դարձաւ վանքի մէջ: Փորձութեան ժամանակը լրանալուն պէս՝ նրան վարդապետ ձեռնադրեցին և անունը դրին Աւգուստին:

Չափազանց եռանդից Լութերը տկարացաւ. առաջ գօրեց, առողջ, կարմիր այտերով մտրդ էր. այժմ դարձել էր դունատ, նիհար և վտիտ:

Մի օր վանք եկաւ պապի վիկարը (գլխաւոր քննիչը), որի անունն էր Զատուպից: Սա լսելով միաբաններից, որ նորընծայ վարդապետը մեծ ջերմեւանդութիւն է ցոյց տալիս և միշտ զրքեր է կարդում, հրամայեց արբալին, որ Լութերին հասարակ աշխատանքով չըտան-

ջեն: — «Թող կարդայ», ասաց նա, «գրանից ոչ ոքի վնաս չի հասնիլ, այլ օգուտ»:

Չատ գրքեր կարդաց Լուծերը, — կարդաց և Հին Կտակարանը, և Նորը, Սբոց վարքը, և Պողոս առաքելական թղթերը, և ո. Ազուատինոսի գրուածներն և ուրիշ բազմաթիւ գրքեր: Բայց չէր կշտանում — ասեալ թէ մի խորհրդաւոր բան էր սրորում գրքերի մէջ և չէր դտնում:

Նրա միտքը տանջվում էր. սիրտը մաշվում էր անհանդիստ կասկածներէլց, որոնք ծագել էին նրա մէջ պապական հաւատի մասին: Համ վախենում էր մեղանշելուց, համ էլ այդ հաւատն ուրանալուց — կորցրել էր իւր հանգիստն և անդադար մտածում էր. «Արդեօք ճշմարիտ է, որ պապն անսխալական է, որ նա առաքելն է, սուրբ է, որ նա իւր հաճոյանքին համեմատ ծուխեր վաճառել և ինդուլգենցիաներով առւեսուր անել կարող է», և ուրիշ շատ հարցեր էր տալիս ինքն իրան, սուանց մի որոշ պատասխան դտնելու:

Մի օր ելաւ դնաց հայր վիկարի մօտ և ասաց. «Չատ և Չատ մեղաւոր եմ, մեծ տարակոյաներ ունիմ պապական հաւատի մասին», և պատմեց իւր մեղոական խորհուրդները: — «Աստուած քեզ փորձում է, Լուծեր», ասաց վիկարը. «Այդ էր պատճառը, որ նա ժանտախտ դրկեց եղբայրներիդ, շանթաւար արաւ ընկերիդ, քիչ մնաց որ դու էլ մեռնէիր. — այդ էր պատճառն, որ դու վարդապետ դարձար, ծերունի հօրդ վշտացնելով: Մի վահատիր, — յառաջ գնա, ինչպէս որ սկսել ես. կարդա Սուրբ Գիրքը և հոգիդ կըփրկուի»:

Լուծերի հօր գործերն այժմ աւելի յաջող էին, քան թէ առաջ. նա հաւաքել էր իւր համար մի փոքրիկ դամար, նեղութեան ձեռքից արդէն ազատուել էր և պատրաստ էր սիրով ներել որդուն, եթէ միայն սա մի խօսք ասէր այդ մասին:

Մի օր պատարագ մատուցանելու կարգը Լուծերին հասաւ. հայրն այդ իմանալով, շտապեց եկաւ տեսնելու, թէ ինչպէս առաջին անգամ եկեղեցական պաշտօն պիտի կատարէր: Որդին կատարեց պաշտօնն օրինաւոր վարդապետի պէս. բոլոր պատարագը շատ հանդիսաբար և վայելուչ կերպով անցաւ: Եկեղեցին ժողովրդով լիքն էր. ամենքը նորընծային գովում էին, հայրն ուրախութիւնից ինչ անելը չըզիտէր և 20 ոսկի ընծայեց որդուն: Պատարագից յետոյ Լուծեր ճաշի հրաւիրեց բարեկամներին. ամենքը գնացին վանքի սեղանատունը: Ճաշի ժամանակ նա լիշեց իւր հօր բարկութիւնն և ասաց. «Միտդ է, հայրիկ, ինչպէս բարկացել էիր վրաս, երբ ես, առանց քեզ ականջ դնելու, այստեղ եկայ վարդապետ դառնալու համար: Զուր էիր ստիպում ինձ, որ տէրութեան պաշտօնակալ դառնամ. ասա՛, խնդրեմ,—վարդապետ մարդն ինչո՞վ է պակաս դատաւորից կամ գիտնականից»: Հայրը պատասխանեց. «Մարտի՛ն, Մարտի՛ն, մի պարծենար. դուք է խաբուած լինիս նենգաւոր սատանայից — զգաստացի՛ր: Մի-թէ չես լիշում, ո՞վ գիտնական վարդապետ, Աստուծոյ պատուէրը, թէ—պատուեա՛ն զհայր քո և զմայր, զի բարի եղիցի քեզ:—2է, սիրելի Մարտին, լաւ կըլինէր, որ ես աղ ու հացդ ճաշելու չըզայի, տանը նստած մնայի, չոր հաց կըծէի, քան թէ քեզնից այդպիսի խօսքեր լսէի:—Այսպէս ասաց ծերունին, վերկացաւ սեղանից, ձին լըծեց և դարձաւ դէպի տուն:

Այս դէպքից յետոյ երկար ժամանակ որդին ամօթով մաշվում էր ծերուկի սիրտը վիրաւորելուն համար: Վերջապէս մի նամակ գրեց նրան, թէ «նելի՛ր անմտիս, ո՞վ հայրիկ. ես չէի հասկանում քեզ, երբ խօսում էր քո բերանով ինքն Աստուած»:

Հայր վիկարը տեսնելով, որ Լուծերը քարոզելու շնորհ ունէր, հրամայեց նրան հանդիսաբար մի քարոզ ա-

սել ժամի մէջ: Յետոյ մի ծուխ տուին նրան Վիտտէն-բերգ քաղաքում: Այնտեղ նա պատարագում էր և քարոզում. ժողովուրդն էլ սիրով լսում էր, որովհետեւ նրա լեզուն պարզ գերմաներէն էր, որ ամենքն էլ լաւ էին հասկանում:

Լուծեր այդ միջոցին կամեցաւ վերջապէս կատարել իւր որտի վաղուցուայ փափագը: — «Արի, ասաց, Հռոմ երթամ, սրապի ոտքը համբուրեմ, սուրբ նահատակներին աղօթք անեմ. տեսնեմ — ի՞նչ կարգեր կան այնտեղ և ինչպէս են զործ կատարում պատէրները: Հռովմի մէջ գուցէ կազատուիմ մեղսական մտքերից» և նորից կրդտնեմ հոգւոյս խաղաղութիւնը»:

Արձակուրդ խնդրեց հայր վիկարից, ընդունեց նրանից 10 ոսկի և ճանապարհ ընկաւ: Ուղևորեց երկու ամիս, դիշերները վանքերի մէջ օթեւանելով: Ճանապարհին քարտղներ էր ատում, վիճում էր կրօնական խնդիրների վրայ և լաւ դիտում էր վանական միաբանների բարք ու վարքը: Տեսնում էր վանքերի հարստութիւնն և ասում էր իւր մտքում. «Վարդապետական չէ սրանց կեանքը, շատ են պարարտւում իրանց փորերը»:


Հասաւ Հռովմ: Սուրբ Պետրոսի մայր եկեղեցին որ նշմարեց, ծունր դրաւ և ասաց. «Երկրպագում եմ քեզ, ո՞վ սրբական Հռովմ քաղաք, երեցս սուրբ քաղաք, ուր նահատակուած են նշնքան մարտիրոսներ»: Յետոյ մօտեցաւ տաճարին, ծունր կրկնեց և աստիճան առ աստիճան չոքէջօք բարձրացաւ զէպի նախագաւիթը — այնտեղ ջերմեռանդ սրտով աղօթք արաւ Աստուծոյ և իւր մեղքերին քաւութիւն խնդրեց:

Փ. ՎԱՐԴԱՆԵԱՆ

(Կը շարունակուէ)



Պ Ե Ր Մ Ի Ն



Նցաւ ձմեռը, եկաւ վառ գարուն,
Զարթեց խոր քնից ամբողջ բնութիւն.
Ամեն առարկայ շունչ, հոգի առաւ,
Եւ սիրոյ ողջօյն գարնանը տուաւ:

Օգը մաքուր է, արևը պայծառ,
Կանաչ են դաշտեր, սար, հովիտ, անտառ.
Եւ ողորդալով գեփիւռը մեղմիկ
Գալար բոյսերին ասում է նանիկ:

Ահա արտոյտը դալայիկներով,
Ճեղքում է օդը քնքոյշ թևերով.
Եւ սիրով վառուած՝ քաղցրօճաչն սոխակ,
Գտել է վարդին, երգում անուշակ:

Սարերի գլխի ձիւները յտակ,
Հալում են կազմում կարկաչուն առուակ.
Նորա ափերին գոյն-գոյն ծաղիկներ,
Ներկայացնում են հրաշալի պատկեր:

Փայռի կատարին՝ քարին տուած թինկ,
Նստած է հովիւ, ուլում է սրինդ.
Ու նրա չորս կողմ փռուած այծ, ոչխար,
Կարծես թէ բռնած լինին լէլի-սլար:

Այսպէս ամեն տեղ իսինդ ու ցնծութիւն,
Ուրախ են մարդիկ ու ողջ բնութիւն.
Գարունը բերաւ անոյշ եղանակ,
Վանեց ծուլութիւն, շնչեց աշխատանք...

ՅԱ. ԳԱԶԱՐԵԱՆՑ

ՄԵՆԱՔԷՄ ԳԱՄԱՂԱՅՈՒ

ՊԱՏՄՈՒԹԻՒՆԸ

(ՎԼ. ԿՕՐՕՒՆԿՈՅԵՑ)



յապէս էին շատերը ժողովրդի միջից, ալ
և շատ իմաստուններ ուսեալների միջից
և ուրիշների թուումը—Մենաքէմը, Գամա-
ղացի Յհուդայի որդին, որ արին էր թա-
փել կռուի մէջ հայրենիքի ազատութեան համար:

Հայրը կտակել էր որդուն իւր սէրն ու իւր ատելու-
թիւնը: Նրա սէրն էր ազատութեան սէրը, իսկ նրա ա-
տելութիւնը—թշնամութիւն ճնշողների հետ: Որովհետև
Մենաքէմը իւր հօր նման ասում էր. «Ստորութիւն է եր-
կրպագութիւն անել կայսրների սեղանների առաջ, որով-
հետև կայսրները մարդիկ են. իսկ երկրպագել վայել է
միայն Աստուծոյ, որ մարդկանց ստեղծել է ազատութեան
համար»:

Բացի այս՝ իմաստուն Մենաքէմը իւր ազգի թուլու-
թիւնը ողբալով, դպրութեամբ էր պարապում և Կտակա-
րանի գրքերից և օտարազգի գրքերից իմանում էր ամեն
բան, ինչ որ կատարվում էր աշխարհի երեսին, և ինչ է
չարն ու բարին, և որն է հզօր ազգերի զօրութիւնը և
ինչից հպատակութեան թուլութիւնը: Մեծ էր նա դըպ-
րութեան մէջ և չէր նմանում ոչ զուռ ու փարիսեցոյ, ոչ
խոնարհ յեսէացոյ, ոչ տաճարիցը կերակրուող սաղուկեցոյ:
Ալ հարցասէր խելքով անդադար ճշմարտութիւն էր խընդ-
րում, իւր հոգու ձգտումները առաջ և ոչ յետ դաճնելով:

Եւ Մենաքէմի փառքը տարածուեցաւ ժողովրդի մէջ
և մինչև անգամ օտարազգիները իմաստուն դամադրացուն
սուր փիլիսոփայ էին ասում, որովհետև նրա լեզուն նը-
ման էր սուսերի, որ հարուածում է խաբեբայի խորհուրդ-
ները: Եւ Մենաքէմի սրտումը սէրն ու ատելութիւնը վառ
էին բորբոքուած բոցի պէս:

Սէրն էր բոց և ատելութիւնը քամի: Որովհետև քա-
նի սաստկանում էր գարշելի ճնշումը, Մենաքէմը տալիս
էր ժողովրդին իւր սիրաբորբոք սիրտը:

Իսկ եթէ ատելութիւնը համեմատենք բոցի հետ,
սէրը կըլինէր քամի, որովհետև ճնշուածների սիրուցը բոր-
բոքվում էր ատելութիւն դէպի ճնշողները:

Եւ Հիմա Մենաքէմը հօր ձայնով գէնք վերունելու
էր հրաւիրում երուսաղէմացոյց և գալիլիացոյց և զարդա-
րացոյց և յարձակուելում արագ իջումիացոյց: Վեր կացէք,
ասում էր նա, և այն ժամանակն Աստուծոյ ժամը կըլսիէ
Փլորի գլխին:

*
* *

Բայց ուրիշները Երուսաղէմում հակառակ կարծիք
ունէին:

«Քանի որ,—ասում էին նրանք,—Փլորը պատերազմ
է խնդրում, մենք պիտի հեզ լինինք և համբերող, որ
չըլորցնենք և այն, ինչ որ մնացել է»:

Այսպէս էին քահանաները և աւագանին և բոլոր
տաճարից կերակրողները և մեծատուները որ վախե-
նում էին մի գուցէ իրանց հարստութիւնը կորցնեն. ուս-
տի շրջում էին ժողովրդի մէջ, ընկնում էին մարդկանց
ոտները և խոնարհութեամբ զրկում էին աննշանների
ծնկները որ համոզեն նրանց հեզ լինել և համբերող

Եւ ժողովուրդը անցաւ խոնարհութեան կողմը:

*
* *

Այն ժամանակ Փլորը վերադարձել էր Կեսարիայից և

մօտենում էր զօրագնդի հետ քաղաքին. Երուսաղէմի ժողովուրդը դուրս եկաւ քաղաքիցը. ղեմաւորեց նրան և բարեկամութեամբ շնորհաւորեց լեզէոնին: Բայց Փլորը բարկացաւ:

— Թշուառներ — ասաց նա սրտմտութեամբ: Գիտեմ որ ձեզանից իւրաքանչիւրը սրտով ինձ ատում է, բայց ձեր շրթունքների վրայ կեղծաւորութեան ողջոյնն է . . . Զէնքը ձեռներիդ մեզ կընդունէիք, եթէ պատուի ու ճշմարտութեան մարդիկ լինէիք: Իսկ հիմա շողոքորթում են ձեր շրթունքը որ փոքր ինչ առաջ ինձ անարգում էին:

Եւ հրաման տուեց իւր ղինուորներին յարձակուել հրէաների վրայ: Եւ եղաւ որ հռովմայեցոց շնորհաւորելու եկածները փախչում էին դէպի քաղաքը վախեցած հօտի նման, իսկ հռովմայեցիք վրայ էին հասնում նրանց գայլերի նման: Եւ այսպէս գիշերը հասաւ քաղաքի վրայ աղաղակների, շփոթի ու հառաչանքների մէջ . . .

Եւ առաւօտը Փլորը հրաման տուեց ղինուորներին կողոպտել Վերին ասուած հրապարակը, և ղինուորները կողոպտում էին, իսկ բոլոր հանդիպողներին կոտորում էին անդթութեամբ: Այն ժամանակ եղաւ մեծ փախուստ փողոցներումը, և մարդկանց կոտորած, և կանանց բռնաբարութիւն, և անմեղների չարչարանք: Եւ բոլոր այն օրը սպանուած հրէաների թիւը կանաց և երեխաների հետ եղաւ վեց հազար երեք հարիւր:

Յ. ՅՈՎԱՆՆԻՍԵԱՆ

(Կըշարունակուի)





եանքը, որ մեզ այնքան գեղեցիկ է թւում մի պատճառն էլ այն է, որ մարդս կարող է ճանապարհորդել. բնութեան հրաշագեղ, ահեղ, անսահման, մեծատարած տեսարանները այնքան լիակատար հաճութիւն, հոգեկան գոհացում և հրճուանք են ազդում, մարդ առժամանակեայ երջանկութեան մէջ է ըզգում իրան և այդ տպաւորութիւնների դրօշմը ընդ միշտ մնում է անջնջելի նրա հոգեկան կազմուածքի վրայ: Միայն կապուտակ ծովն ու նրա վրայ անսահման տարածուած երկնակամարը հրչափ են քնքշացնում մարդուս նայուածքը և ցրւում նրա մեղամաղձիկ խոհերը: Ուստի, առաջարկելով մեր սիրելի ընթերցողներին զանազան վայրերի նկարագիրներ, մենք երբեմն-երբեմն էլ պիտի չըմոռանանք տալ ծանօթութիւններ տրօպիկական աշխարհի մասին, որոնց թւում և Աֆրիկայի անսարանների և բնակիչների մասին, որոնք վերին աստիճանի հետաքրքրական են: Դեռ ևս շատ հին դարերում Աֆրիկան մարդկանց համար մի խորհրդաւոր գաղտնիք էր, հանելուկ էր և հին յունական իմաստասէր Արիստոտելն ասել է, որ միշտ կարելի է սպասել մի որ և նոր բան Աֆրիկայից: Մակայն մեր դարում եւրոպացի խրոխտ և մտահարուստ, անձնանուէր գիտնականների աննկուն ճիգերով լուծուեցաւ այդ հանելուկը, անգլիացի Բեկկեր ճանապարհորդը իւր կնօջ հետ հասաւ փառահեղ Նեղոսի ակներին. ուրիշ ճանապարհորդներ ուսումնասիրեցին այդ հսկայ գետի մեծատարած ճոխ հովիտը, Աֆրիկայի ներսը, և այլն:

Այն ահագին տարածութիւնը, որ սփռուած է Նեղոսի ջրբաբաշխ լճերի շուրջը, կոչվում է Բանանի աշխարհ: Բանանը բլանում է այստեղ գետերի և լճերի ջրաւոր թաց ավերում, և խոնաւ նախնական ծմակներում, ուղղաձիգ, սօսատիպ արմաւենիների ստուերում, սաղարթախիտ թզենիների և այլ հասարակածի փարթամ բոյսերի հետ:

Բանանի շատ տեսակներ կան, բայց որոնք բնույթ են մեր
չիշած վայրերում՝ ամենից ազնիւն են, խոշոր և գերազանց հա-



մով. այս պտուղները, որոնց տասներկու հատը բաւական են մի
ամբողջ օր մի մարդու համար, չեն կարող համեմատուել ոչ մի
ալլ մրգի հետ: Բանանի տերեւները խիստ խոշոր են՝ 12 ոտ եր-

կարութիւնով, թաւշանման, կակուղ, գունասու կանաչ, պինդ հողմը նրանց ծալքը կտրտում է՝ անթիւ ծովերի։ Բունը նույնպէս ամուր չէ։ չընայած բանանի այդ փխրունութեան, նա իւր վրայ կրում է այնպիսի ծանրութեան մրգեր, որոնց հազիւ կարող է տանել հասակաւոր մարդը։ Ահագին ծիրանագոյն ծաղիկներին աճում են կոնաձև պտուղները, որոնք կախուած են բունից և հասնում են մինչև գետին։ Նրանց անեցողութիւնը այնպէս արագ է, որ կարելի է ասել ժամերով է լինում։

Ազնիւ տեսակի հասած բանանները ունին կանաչագոյն կամ դեղնագոյն կեղև, որ հեշտութեամբ կճեպվում է գրեթէ ճերմակ, ալրոտ, հիւթալից նուշից, որի մէջ չեն պարունակվում սերմեր։ Բանանի ճիւղերը և բունը լաւ սնունդ են արածող կենդանիների համար։ Նրա չոր տերևները ալրում են և խրճիթների կտուրներն են ծածկում։ Իսկ թարմ եղած ժամանակ գործ են ածում վալլենիները իրանց մարմնի մերկութիւնը ծածկելու։

Բանանի պտուղը հասած ժամանակ քաղցր է և զովացուցիչ։ Եթէ տապակուի իւղում կեղևի հետ, նա կըլինի շատ ընտիր և համով ուտելիք։ Նրա դեռ խակ պտուղները եթէ խորովուին տաք մոխրի կամ կրակի պողերի վրայ՝ նուշիցը կարելի է շինել ալիւր զանազան քաղցրաւենիք պատրաստելու համար։

Բանանից Աֆրիկայի վալլենիները պատրաստում են և մի տեսակ գինի։ դրա համար բանանի տհաս պտուղները լցնում են մի փոսի մէջ, որ ծածկում են խոտով և հողով։ մինչև ութ օրը նրանք հասունացած են լինում։ հանում են դետինից, կճեպներին մաքրում են և նուշերը աճելով ջրով լիքը տաշտերի մէջ խառնում են և աչգպէս թողնում են մի երկու օր եփը դալու համար, որին յետոյ «գինին» արդէն պատրաստ է։ Վալլենիների գլխաւոր մի հոգն էլ այդ գինու պատրաստելն է։ նեգրերը խրմում են այդ ըմպելիները կոշտ ու կոպիտ անօթներով, բաց երբ գլուխները մի քիչ տաքանում է, սկսում են ուղղակի լակել տաշտերից։ Հարբենալով նեգրերը սկսում են ամենակատաղի կերպով ցատկոտել, պարել, իրանց դժոխալուր թմբուկների, փողերի ահարկու ժխորով։ Բանանի ճիւղերից շինում են թել, չուան և ալյն։ Այգալիսով այդ նշանաւոր բոյսը բաւականութիւն է տալիս այդ երկրի ազգաբնակութեան ամենագլխաւոր պահանջներին։ Բանանի երկիրների բնակիչները, որոնց թիւը հասնում է հինգ միլիոնի՝ սփռուած են եօթանասուն հազար մղոն տարածութեան վը-



րաց, նշանաւոր կերպով զանազանվում են Ներքին Աֆրիկայի բնակիչներից, նրանք միակ նեղրական ցեղի բնակիչներն են, սրանք ամբողջ մարմինը հագուստով ծածկում են և այն աստիճան խիստ է պահպանվում այդ կարգը, որ այդ թէ կին խըստազոյն պատժի կենթարկուին, եթէ զանցառութեան տան այդ կանոնը:



Հագուստները նրանք կարում են ծառերի կեղևներից, երկար վերարկուի նման ձգում են իրանց վրայ և աջ ուսի վրայ ամրացնում են կապոցով. իսկ նշանաւոր մարդիկ իրանց հագուստը պատրաստում են գազանների մորթուց, մանաւանդ գվերեզա անունով կապիկի չափազանց գեղեցիկ մորթուց: Դուք կըհարցնէք անշուշտ, ինչպէս կարելի է ծառերի կեղևներից հագուստ շինել. նախ դրանով շատ ծառեր կարող էին փչանալ, երկրորդ

կեղևը աչն՝ քան կոշտ է և դիրարեկ։ Սակայն մեր չիշած նեղ-
րերն այդ երկու դժուարութեան առաջն առած են։ Նրանք
թզենու կեղևը մաշկելով, ճառի բունը փաթաթում են բանանի
թարմ տերևներով և ամրացնում են, այնպէս որ ճառը չի չորա-
նում։ Քերթած կեղևը նախ մաքրում են չոր մասերից, ապա
թրջելով ջրում սկսում են թոխմախով աչն՝ քան թակել նրան, որ



նա կակղում է և բարականում. այդ եղանակով նա մշակուելով և
ի վերջոյ չորանալով, ամենաբարակ կաշիի նմանութիւն է բերում։
Չատ անգամ նախշում են այդ փայտեայ լաթերը սև և
դեղին ներկերով։

Ափրիկայի ամենանշանաւոր ծառն է բաօբաբը, որ յայտնի
է իւր ահուելի և վիթխարի կազմուածքով. նրա հսկայ բունից


տարածվում են ճիւղեր, որոնք իրանց հաստութեամբ անց են մեր դարաւոր կաղնիներէից:

Բաօբաբը գարնան թագուհին է, միւս եղանակներին նա մեռած, տխուր, մերկ կանգնած է լինում՝ ահագին որսլէս բուսական աշխարհի մի բաբելօնեան բարձր աշտարակ: Գարնան երեք ամիսներին նա ամենափարթամ կերպով պճնվում է խիստ թանձր սաղարթով և վարդանման հիանալի ծաղիկներով: Այդ վիճակում բաօբաբի մեծութիւնը գեղեցկութիւնը խառնուած իրար, նրան տալիս են մի աշնայիսի փառահեղութիւն և վեհութիւն, որ աննկարագրելի է: Նրա ահագին բնի մէջ տեղաւորվում են նեղրների ամբողջ ընտանիքներ, վալլի գազաններ, և մինչև անգամ պատսպարվում են աշնտեղ փոքրիկ հօտեր: Նրա պտուղները շատ զովարար են և ոչժերը վերականգնող: Նրանց բունի շուրջը—հաստութիւնը հասնում է մինչև չիտուն ոտնաչափի: Բաօբաբը մեծ մասամբ առանձին է բուսնում անհատնում բարձր խոտով ծածկուած անապատների մէջ: Երբեմն է պատահում, որ նրանք մի քանիսը միասին բուսնին:

Սակաչն աչս անգամ աչս մի քանի նկատողութիւններով բաւականանք. Աֆրիկացի բուսական և կենդանական աշխարհը նկարագրութեան աչսքան հարուստ նիւթ է մատակարարում, որ փոքրիկ յօդուածներով ոչինչ չի կարելի շինել, բայց եթէ առաջարկել մի քանի հետաքրքրական պատկերներ:

Յաջորդ համարներից մինում մենք կըսանք մի քանի տեղեկութիւններ Աֆրիկացի մշակուած անկիւնների մասին, ուր ուտ են դրել արդէն եւրոպացիք և ուր հիմն է ձգել արդէն քաղաքակրթութիւնը, քրիստոնէական լոյսը և դիւտակցական մշակութիւնը:

ԱՄԲՈՍ



ՀԵՏԱՔՐՔԻՐ ՏԵՂԵԿՈՒԹՒՒՆՆԵՐ

Լուսանկարչութեան անգնահատելի ճառագլուխները — Մօտ օրերս լուսանկարի օգնութեամբ հաստատել են հաշուապահութեան մատեանների մէջ եղած կեղծիքը: Բերլինի դատաստանատանը քիմիադէտ դօքտոր Էզիրիկը, որին՝ իբրեւ էկսպերտի՝ յանձնուած էր մի վաճառականի հաշուապահութեան մատեանները զննելու, լուսանկարով հանում է մատեանի մի քանի երեսները: Այդ փորձի ժամանակ նա ի նկատի է ունենում այն հանրամանքը, որ ներկերը լուսանկարելիս տարբերվում են միմեանցից. օրինակի համար կապոյտ գոյնը համարեա թէ սպիտակ է դուրս գալիս, իսկ շաղանակագոյնը — համարեա սև: Յիշեալ մատեանները գրուած էին երկու տեսակ մելանով, մէկը գործ էին դրել սկզբումը հաշիւները գրելիս, իսկ միւսը յետոյ թուանշանները կեղծելիս: Եւ որովհետեւ այդ երկու կերպ գրութիւնները եղած էին զանազան ժամանակ, մէկը միւսից բաւական ուշ, այդ պատճառով լուսանկարով հանածները պէտք է որ զանազանուէին միմեանցից: Եւ յիրաւի մատեանի կասկածաւոր երեսների լուսանկարով հանելը զարմանալի հետեւանք ունեցաւ, կապտագոյն մելանով կեղծածները դուրս եկան հազիւ նշմարելի, մինչդեռ սկզբի գրածները երեսն ընկան բոլորովին սև գոյնով: Քիմիական հետազօտութիւնը եւ նրանից յետոյ լուսանկարով կեղծ գրութիւնների հանելը բոլորովին շօշափելի կացուցին նրանց շինովի լինելը: Երկրորդ դէպքում փորձը կատարուեցաւ մուրհակում արած կեղծիքի վրայ,

երեւեցաւ, որ մայիս ամիսը շինած էր ապրիլ: Լուսանկարի մէջ մայիսը աւելի պայծառ դուրս եկաւ քան ապրիլը: Սրանից կարելի է տեսնել, որքան մեծ օգուտ կարող է տալ լուսանկարչութիւնը դատաստանական գործերում:

—
2իւն Սահարացում: — Անյեալները Սահարա անապատում մի քանի օաղիսների վրայ ականջ տեղալ քուլա-քուլա սպիտակ ծիւն եւ մի ժամ տեսեց, կարող էր ձեռք երեւակայել օաղիսների բնակիչների վրդովմունքը այդ նրանց համար արտասովոր բնական երեւոյթի պատճառով:

—
Մահուան պատիժ ելէքտրականութեամբ: — Նիւ-Եօրքի օրէնսդրական ատեանին ներկացրած է մի նախադիմ մահուան պատժի ամենամարդասիրական միջոցի մասին: Այդ առաջարկութեան կազմողները եկել են այն եզրակացութեան, որ ելէքտրականութիւնը մահուան պատիժը կատարելու ամենամարդասիրական միջոցն է: Դրա առաւելութիւնը նրանումն է՝ որ կանյալտանան այն պարսպիելի տեսարանները, որոնք տեղի ունին կախաղանով պատժելու ժամանակ:

Յանձնաժողովը խորհուրդ է տալիս չըյանձնել դիակը ազգականներին, այլ տալ դիտնականների ձեռքը հետազօտելու. բացի դրանից յանձնաժողովը առաջարկում է մահուան պատժի նկարագրութիւնը չթողլ տալ որ լոյս տեսնի հաւարակական պարբերական հրատարակութիւններում:



Հ Ա Ն Ե Լ Ո Ւ Կ Ն Ե Ր

Տակը սղոց, վրէն սղոց,
Կելլէ կրկանչէ մեռելոց:

Անծին անծնի վրայ բարձին,
Անդադարի երգէն անցկացրին:

Մէկ մարդ կայ երեք ոտ ունի:

Պստի յստի մարդիկ,
Փէտէ փէտէ շապիկ:

Ա Ռ Ա Ծ

Ամեն վնասից մի-մի խրատ,
Ոչ վնասն է պակասում, ոչ խրատ:

Խ Ն Դ Ի Ր

Երեք խնձորը բաժանել երկու մօր և երկու աղջկան
այնպէս, որ իւրաքանչիւրը ունենայ մի-մի ամբողջ խնձոր:



Շ Ա Ջ Ա Ս



աՀմատ խաղալու ձևն այն է, որ իւրաքանչիւր խաղացող հերթով իր ֆիգուրներից մինը մի քառակուսիից փոխադրում է միւսը. իւրաքանչիւր ֆիգուր միայն իրան յատուկ եղանակն ունի տեղափոխուելու:

Թագաւորը կարող է միայն գնալ իրան հարևան քառակուսին. այնպէս որ նա եւ-ից կարող է տեղափոխուել հետևեալ ութ դաշտակներից մինը — ե3, ե3, ե4, ե5, գ5, է5, գ4, և գ3. միայն մի բացառութիւն կայ, երբ Թագաւորն ուրիշ դաշտակի — քառակուսիի — վրայով կարող է անցնել, որ պիտի յետոյ բացատրենք:

Աշտարակները տեղափոխում են ուղղահայեաց և հորիզոնական զծով. 41-ից գ4, բ4, ե4, գ4, է4, բ4, 42. 43, 45, 46, 47, 48.

Փիղը կամ սպան տեղափոխւում է դիօգանալ-շեղ զըծերով դէպի մօտակայ կամ հեռաւոր դաշտակը. օրինակ գ5-ից նա կերթայ ե4, դ3, գ2, բ1, է6, բ7, է4, բ3, գ7, կամ 48. իւրաքանչիւր խաղացող ունի սև կամ ճերմակ փիղ, նայած այն դաշտակին, որ նա բռնել է իսկի սկզբից:

Թագուհին տեղափոխւում է ինչպէս աշտարակները կամ փղերը, այսինքն նա կարող է գնալ ուղղահայեաց և հորիզոնական զծերով, նոյնպէս տախտակի սև ու ճերմակ դիօգանալով. ե4-ից Թագուհին կարող է անցնել ե5, ե6, ե7, ե8, ե3, ե2, ե1, ա4, բ4, գ4, գ4, է4, բ4, դ5, գ6, բ7, ա8, դ3, գ2, բ1, գ5, է6, բ7:

Չին անում է մի քայլ հորիզոնական և ուղղահայեաց ուղղութեամբ դէպի հարևան քառակուսին և էլի մի քայլ դիօգանալով երկրորդից սկսած: Չին դրուած լինելով դ4-ում, նա կարող է շարժուել դէպի բ3, բ7, գ6, ե6, գ5,

դՅ, եՉ. բոլոր սպաները իրաւունք ունին շարժուիլ յառաջ և յետ, ձախ և աջ, միայն թոյլ չի տրվում անցնել այն դաշտակի վրայով, որի մէջ ֆիզուր կայ. այդ կանոնին չի ենթարկվում միայն ձին:

Զինուորը միշտ յառաջ է գնում միայն ուղղահայեաց գծով մի քայլ դէպի կից դաշտակը. իր կանգնած տեղից խաղի սկզբում նա կարող է շարժուիլ միայն երկու դաշտակ յառաջ, այսինքն զՉ-ից զԿ, կամ ԸԴ-ից ԸԾ:

(Կըշաբունակուի)

Որովհետեւ մինչև Հիմայ մեր ընթերցողներից չըկարողացան ուղարկել մեզ «Աղբիւրի» նախորդ Ձեռն-ում տպուած ԲԵՖՈՒՍԻ բացատրութիւնը, այդ պատճառով 10,000 Հատ փօստի մարկաներ մըրցանակ ստանալու ժամանակամիջոցը երկարացնում ենք մինչև Զատիկ: Աւելորդ չենք համարում և մի քանի կէտերը պարզել:

- 1) Առաջի տառը Զ է ոմանք Չ են կարդում.
- 2) Տարուայ—կարդում են տաթուայ.
- 3) Կաթնասուն—կարդում են կաթնանուն *).

*) «Կամնանուն» եւ «տաթուայ» սխալ են փորադրուած. որոնք ուղղուած են, միայն մի քանի հարիւր օրինակ, այդպէս սխալ է տպուած:

Նախընթաց Ձեռնի մէջ եղած Հանելուկների բացատրութիւնը՝ 1) Բազրատ. 2) Բերան և լեզու:

Խմբագիր-հրատարակիչ՝ ՏԻՒՐԱՆ ՆԱԶԱՐԵԱՆ